



四先生年譜

EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

B
126
M36
1745
v. 2



文質羅豫章先生年譜引

豫章先生之集舊刻十七卷其實非全書也全書止遵堯錄八卷爾其事實附錄於卷之十四事亦不甚詳先生舊無年譜其見於集端者至正間曹進士道

振所輯也今欲得先生大槩以誌景仰之思舍此無由而或載於事實者遺於年譜或有大指應載於事實而舊本遺之者念恃不揣竊先增訂而彙梓之俾過劍南者即如見先生嚴毅清

苦之概所謂簞瓢如顏質問如
曾言志如箴雍和如仲弓者亦
可髣髴其萬一矣



晉陵後學毛念恃勅五

氏謹題



年譜引三

大華殿



晉刻經學士念卦味五
何樂其萬一矣

曾言志吹簫奏味吹竹已香亦
苦之琳伯龍輩標吹賦寶閣吹

是入道之基

豫章羅先生事實

先生諱從彥。字仲素。家世隱士。先生自幼穎悟。不爲言語文字之學。及長。堅苦刻厲。篤意求道。初從審律

吳公國華游。已而聞龜山先生得伊洛之學於河南。

遂往學焉。廼知舊日之學非也。三日驚汗浹背。曰。幾

○乃○可○希○聖○希○賢

枉過了一生。龜山倡道東南。從遊者千餘人。然語其

潛思力行。任重詣極。如先生一人而已。嘗講易至乾

九四一爻。龜山云。曩聞伊川先生說得甚好。遂鬻田

學○之○篤○

裹糧至洛。見伊川。其所聞亦不外龜山之說。及歸於

是盡心力以事龜山。摳衣侍席二十餘年。盡得不傳之秘。爲編龜山語錄三卷。默堂陳幾叟與先生俱遊龜山之門。情好尤密。定交幾四十年。默堂嘗云。憶初從龜山。龜山以孟子饑者甘食渴者甘飲與人能無以饑渴之害爲心害。則不及人不爲憂矣。令先生思索。且云。此語若易知易行。而有無窮之理。先生思之數日。疏其義以呈龜山。曰。飲食必有正味。饑渴害人。則不得正味而甘之。猶學者必有正道。不悅於小道而適正焉。則堯舜人皆可爲矣。何不及之有哉。龜山

是道
大指

何以致
此

曰此說甚好。但更於心害上一着猛省。則可以入道矣。先生一生服膺此語。凡世之所嗜好。一切禁止。故學問日新。尤不可及。然先生清介絕俗。里人知之者尚少。惟郡人李愿中。新安朱喬年。聞先生得伊洛之學於龜山之門。遂執弟子禮從之遊。愿中以書謁先生云。先生性明而修。行全而潔。充之以廣大。體之以仁恕。精深微妙。多極其至。漢唐諸儒無近似者。至於不言而飲人。以和與人。並立而使人化。如春風發物。蓋亦莫知其所以然也。故讀聖賢之書。稍有見識者。

皆願授經門下。以質所疑。其愿中之所以心服於先生而善爲形容與。凡從先生學問者。終日相對端坐。解說文字。未嘗一及雜語。晚年以特奏中下科授惠州博羅縣主簿。或曰博羅尉紹興二年壬子八月上丁。延平郡守周綰命之領袖諸生。行釋菜禮。有洙泗斷斷氣象焉。蓋先生之道上得之楊龜山。再上則得之河南程夫子。一傳而爲李延平。再傳而爲朱紫陽。則先生其繼往開來之人哉。其山居有顏樂齋。寄傲軒。邀月亭。獨寐軒。白雲亭。又池畔有亭曰濯纓。每自

名言可
以經世

賦詩。默堂諸公皆有唱和。嘗曰。士之立朝。要以正直。忠厚爲本。正直則朝廷無過失。忠厚則天下無怨嗟。又曰。朝廷大奸不可容。朋友小過不可容。若容大奸。必亂天下。不容小過。則無全人。又云。教化者。朝廷之先務。廉恥者。士人之美節。風俗者。天下之大事。朝廷有教化。則士人有廉恥。士人有廉恥。則天下有風俗。或朝廷不務教化。而責士人之廉恥。士人不尙廉恥。而望風俗之美。其可得乎。又曰。君子在朝。則天下必治。蓋君子進。則常有亂世之言。使人主多憂。而善

儒者有此血忱
真忠孝也

心。生。故。天。下。所。以。治。小。人。相。朝。天。下。必。亂。蓋。小。人。進。
則。常。有。治。世。之。言。使。人。主。多。樂。而。怠。心。生。故。天。下。所。
以。亂。先。生。之。言。其。體。用。兼。該。如。此。所。著。詩。春。秋。詩。孟。
解。說。釋。例。今。多。不。傳。其。著。遵。堯。錄。八。卷。歷。言。宋。之。祖。
宗。紹。述。綱。舉。目。張。無。漢。唐。雜。霸。之。未。醇。君。聖。臣。賢。若。
舜。禹。遵。堯。而。不。變。迨。乎。熙。寧。之。間。王。安。石。用。事。管。心。
鞅。法。甲。倡。乙。和。卒。稔。裔。夷。之。禍。爲。痛。心。疾。首。義。激。由。
中。言。言。剴。切。書。成。未。奏。公。歿。之。後。七。十。九。年。爲。寧。宗。
嘉。定。癸。酉。延。平。郡。守。劉。允。濟。上。其。書。於。朝。乞。宣。付。史。

館錫謚號。至理宗嘉祐六年。提刑楊棟請謚羅李兩先生。七年。乃錫謚文質。至正三年。有沙縣知縣曹道振者。輯先生之行實。爲年譜一卷。事雖不詳。亦可寓景行之一班焉。爾善乎廬陵劉將孫之跋先生遺稿也。其文曰。學記曰。三王之祭川也。先河而後海。此之謂務本。至哉言乎。此師友之定論也。考亭朱子出延平。李氏延平出豫章。羅氏。今朱氏之書滿天下。豫章延平之遺言緒論。未有聞者。將孫一來延平。適兵革之後。慨然求之者。舊聞久乃得延平問荅其詞語渾

劉公知
言必有
道之士

朴皆當以三隅反者。且自謂不能發揮以文。又久之。
得豫章家集。所傳者寥寥。僅見。又非延平比益信。二。
先生之。所。以。上。接。伊。洛。而。下。開。考。亭。者。或。曰。其。簡。也。
若。是。道。烏。乎。傳。余。作。而。言。曰。茲。道。之。所。以。傳。也。子。曰。
余。欲。無。言。又。曰。文。莫。吾。猶。人。也。躬。行。君。子。則。吾。未。之。
有。得。言。語。之。道。盛。而。自。得。之。學。隱。矣。二。先。生。之。自。得。
者。有。不。能。得。於。言。也。其。所。以。傳。朱。氏。者。亦。不。在。於。言。
也。朱。氏。之。得。於。二。先。生。者。亦。有。不。能。言。者。也。而。朱。氏。
之。所。爲。言。之。長。者。其。所。授。者。無。二。朱。氏。也。朱。氏。之。言。

不得已而言者也。而世之求道者。往往必求之言也。則吾爲斯道。慨然於此久矣。此集鳩集勞矣。實守尤不易。正不必他求而附益之。先生之所以爲先生者。不在此。蓋嘗拜先生之晬容矣。光風霽月。玉色金聲。劍山青青。劍水流清。徘徊瞻極。何往而不聞金石絲竹之音也。是可爲善言。道南之學者矣。是可爲善讀。豫章先生之集者矣。

豫章羅先生年譜

宋神宗熙寧五年壬子。先生生於劍浦之羅源鄉。

劍浦

卽今南平縣

按先生行實及羅革題語孟解後皆云先生享年六十四。嘉定六年癸酉。郡守劉允濟繳進遵堯錄狀云。八十九年孤憤之氣鬱鬱未伸。云云咸淳六年庚午。馮夢得題先生文集云。余後七十年而生。又云。自生髮未燥。已知敬慕。今六十五年矣。以是知先生生於壬子。歿於乙卯。蓋六十四歲也。

哲宗元祐元年丙寅先生一十五歲。

凡遇改元雖無事必書此論世

之義也後例倣此李
先生譜例亦倣此

紹聖元年甲戌先生二十三歲。

元符元年戊寅先生二十七歲。

徽宗建中靖國元年辛巳先生三十歲。

崇寧元年壬午先生三十一歲。

大觀元年丁亥先生三十六歲。

政和元年辛卯先生四十歲。

二年壬辰先生四十一歲始受學於龜山楊先生之

門

按龜山年譜。是年赴蕭山知縣。延平羅仲素來學。自公得伊洛之學。歸倡東南。從遊之士。肩摩袂屬。晚得羅仲素。遂語以心傳之秘。於是公之正學益顯於世。

六年丙申。先生四十五歲。郡人李侗。新安朱松。始受學於其門。

按李延平上先生書。幸得聞先生長者之風。十年於今。二十有四歲矣。延平先生歿於隆興元年癸

未年七十一。以是知是年來受學晦菴夫子之父。
朱松字喬年。以詩聞。從羅仲素先生遊。與延平先
生爲同門友。聞龜山先生所傳伊洛之學。則受業
之年。應與李先生同。

七年丁酉。先生四十六歲。見楊先生於毗陵。

按先生春秋指歸序。政和歲在丁酉。余從龜山先
生於毗陵。授學經年。盡裒得其書以歸。

重和元年戊戌。先生四十七歲。自京師歸鄉。

宣和元年己亥。先生四十八歲。

按羅漸題龜山中庸義稿。戊戌年五月。余與仲素
伯思自京師歸鄉。又按先生春秋指歸序。宣和之
初。自輦下趨郊鄔。宣字當
作重

按先生鬻田裹糧。至洛見伊川。而譜中不載。茲宣
和之自輦下趨郊鄔。爲見河南夫子也。至戊戌爲
重和。已亥爲宣和。意先生於重和自都發。而宣和
方至郊鄔乎。且先生濯纓亭和陳黼堂韻。有十載
猶縉京洛塵。歸與那復列朝紳。則先生之往返於
洛非一次。不必深辨。

六年甲辰先生五十三歲。作韋齋記。

按韋齋記。宣和癸卯。朱喬年得尤溪尉。治一室。名曰韋齋。齋成之明年。使人來求記。

欽宗靖康元年丙午。先生五十五歲。遵堯錄成。

高宗建炎元年丁未。先生五十六歲。

紹興元年辛亥。先生六十歲。

二年壬子。先生六十一歲。以持科授博羅縣主簿。八月。上丁。以郡守周綰之命。領袖諸生。行釋菜禮。

按先生行實。及延平志。沙陽志。皆云晚以特科授。

惠州博羅縣主簿。胡文定公荅先生書亦稱主簿足下。惟石公輟誌先生釋菜事稱惠州博羅尉。當改。

又按簿尉之異同不必計。而先生於是年得官博羅。而又延平行釋菜禮。意先生將之官。而郡守特重之以寵其行也。不然。則先生自後終於廣矣。豈得再至延耶。

五年乙卯。先生歿。

按先生行實。及沙陽誌。皆云先生卒於官。子敦叙

早歿喪不得歸數年族人羅友爲惠州判官遣人特護以歸至汀州遇草寇竊發遂寄葢於郡之開元寺又數年其門人李愿中始爲歸葬於本郡羅源黃濟坑之源然先生族弟革題先生集二程語孟解後云享年六十有四自廣回卒於汀州武平縣龜山先生荅胡康侯書亦云仲素死於道塗又與前說不同要不足爲先生重輕也

按先生之子早歿則先生存歿之詳不甚可証但存其大概耳且因宦卒於道者卽謂歿於官亦

惠州博羅縣主簿。胡文定公荅先生書亦稱主簿足下。惟石公輟誌先生釋菜事稱惠州博羅尉當改。

又按簿尉之異同不必計。而先生於是年得官博羅。而又延平行釋菜禮。意先生將之官。而郡守特重之以寵其行也。不然。則先生自後終於廣矣。豈得再至延耶。

五年乙卯。先生歿。

按先生行實。及沙陽誌。皆云先生卒於官。子敦叙

早歿。喪不得歸。數年。族人羅友爲惠州判官。遣人特護以歸。至汀州。遇草寇竊發。遂寄葦於郡之開元寺。又數年。其門人李愿中始爲歸葬於本郡羅源黃濟坑之源。然先生族弟革題先生集二程語孟解後云。享年六十有四。自廣回。卒於汀州武平縣。龜山先生荅胡康侯書亦云。仲素死於道塗。又與前說不同。要不足爲先生重輕也。

按先生之子早歿。則先生存歿之詳不甚可証。但存其大概耳。且因宦卒於道者。卽謂歿於官亦

可。再考朱文公記李先生問荅中。有云昔見延平說羅先生解春秋也。淺不似胡文定。後來隨人入廣。在羅浮山住三兩年。那裏心靜。須看得較透。則先生在廣非止一年。而享年非止六十四也。中不言其爲何官。止云隨人入廣。意先生亦非爵命於朝之官。止是淵明聊試爲吏之意。後來請諡亦未說爲某官。應加某爵也。

明萬曆四十二年甲寅。從閩學臣熊尙文之請。從祀。

文廟

大清康熙四十五年丙戌允學臣沈涵疏
賜御書祠額曰奧學清節

豫章先生年譜終

文靖李延平先生年譜引

延平之有李先生亦猶鄒魯之
有孟夫子也東魯之道立極於
吾夫子而孟子爲之大聲疾呼
乃闢百家而一歸我夫子之聖
閩南之道倡始於楊龜山而李

年譜引一


先生爲之闡微繼渺乃衍伊洛
而大傳於紫陽之賢則宜家奉
圭璋人寶圖書矣而傳誦寥寥
散見於問荅之中者一覽未即
得其要領今其後人臚列成書
可謂盛矣而舉先生繼往開來

之大指展卷即得之未必無待
也念恃乃摘取宋史本傳論次
之依文公行狀荅問之歲月擇
其言尤精要者編爲年譜庶閩
學之源流開卷即悟也觀先生
之勤思大道於早年諄誨傳人

於既耄則少而不學老而志怠
者均無以立於天地矣敬梓之
以自勵亦以勵人云爾

晉陵後學毛念恃勅五

氏謹題



宋史李延平先生傳

此八聖之基

李侗字愿中。南劍州劍浦人。年二十四。聞郡人羅從彥得河洛之學。遂以書謁之。從之累年。授春秋中庸語孟之說。從彥好靜坐。侗退入室中。亦靜坐。從彥令靜中看喜怒哀樂未發前氣象。而求所謂中者。久之。而於天下之理。該攝洞貫。以次融釋。各有條序。從彥極稱許焉。旣而退居山田。謝絕世故。餘四十年。飲食或不充。而怡然自適。事親孝謹。仲兄性剛多忤。侗事之得其歡心。閨門內外。夷愉肅穆。若無人聲。而衆事

此不爲
隱怪之
異正中
庸之道
也

自理親戚有貧不能婚嫁者則爲經理賑助之與鄉
人處飲食言笑終日油油如也其接後學荅問不倦
雖隨人淺深施教而必自反身自得始故其言曰學
問之道不在多言大本原在此但默坐澄心體認天理若是雖一
毫情欲之私亦退聽矣又曰學者之病在於未有灑
然氷解凍釋處如孔門諸子羣居終日交相切磨又
得夫子爲之依歸日用之間觀感而化者多矣恐於
融釋而脫落處非言說所及也又曰讀書者當知其
所言莫非吾事而卽吾身以求之則凡聖賢所至

功中後
世未學
之弊

吾所未至者皆可勉而進矣。若直求之文字以資誦說。其不爲玩物喪志者幾希。又曰。講學切在深潛縝密。然後氣味深長。蹊徑不差。若槩以理一而不察其分之殊。此學者所以流於疑似亂真之說而不自知也。嘗以黃庭堅之稱濂溪周茂叔胸中灑落如光風霽月。爲善形容有道者氣象。嘗諷誦之。而顧謂學者存此於胸中。庶幾遇事廓然而義理少進矣。其語中庸曰。聖門之傳是書。其所以開悟後學。無遺策矣。然所謂喜怒哀樂未發謂之中者。又一篇之要指也。若

說春秋
此數言
已盡

徒記誦而已。則亦奚以爲哉。必也體之於身。實見是理。若顏子之歎。卓然若有所見。而不違乎心目之間。然後擴充而往。無所不通。則庶乎其可以言中庸矣。其語春秋曰。春秋一事。各是發明一例。如觀山水。徒步而形勢不同。不可拘以一法。然所以難言者。蓋以常人之言。推測聖人未到聖人灑然處。豈能無失邪。侗旣閒居。若無意當世。而傷時憂國。論事感激動人。嘗曰。今日三綱不振。義利不分。三綱不振。故人心邪。辭不任所用。是致上下之氣間隔。而中國日衰。義利

有道氣
象

不分。故自王安石用事。陷溺人心。至今不自知覺。人趨利而不知義。則主勢日孤。人主當於此留意。不然。則是所謂雖有粟。吾得而食諸也。是時吏部員外郎朱松與侗爲同門友。推重侗。遣子熹從學。熹卒得其傳。沙縣鄧廸嘗謂松曰。愿中如水壺秋月。瑩徹無瑕。非吾曹所及。松以爲知言。熹亦稱侗姿稟勁特。氣節豪邁。而充養完粹。無復圭角。精純之氣。達於面目。色溫言厲。神定氣和。語默動靜。端詳閒泰。自然之中。若有成法。平日恂恂於事。若無甚可否。及其酬酢事變。

斷以義理。則有截然不可犯者。又謂自從侗學。辭去復來。則所聞益超絕。其上達不已如此。侗子友直。信甫。皆舉進士。試吏傍郡。更請迎養。歸道武夷。會聞帥汪應辰以書幣來迎。侗往見之。至之日。疾作。遂卒。年七十有一。信甫仕至監察御史。出知衢州。擢廣東江東憲。以特立不容於朝云。

先生行狀。出於朱夫子之手。誌銘爲汪學士應辰作。言皆有道。宋史因之而成文。故簡潔精粹。可以起人景仰之思。錄此一篇。而不及行狀者。以朱夫

子序先生之家世。而謙不自侈其授受之大。今便
於學者取法。則茲傳亦善形容有道矣。

延平先生年譜

延平李先生年譜

宋哲宗元祐八年癸酉。先生生於南劍州之劍浦縣。
紹聖元年甲戌。先生二歲。

元符元年戊寅。先生六歲。

徽宗建中靖國元年辛巳。先生九歲。

崇寧元年壬午。先生十歲。

大觀元年丁亥。先生十五歲。

政和元年辛卯。先生十九歲。

按先生行實云。先生幼警悟。既冠。遊鄉校。有聲。雖

不誌其歲約在政和初年也。

六年丙申。先生二十四歲。受學於羅豫章先生之門。有初見羅先生書刻集中。羅先生致書於陳默堂云。近有後生李愿中者。向道甚銳。曾以書求教。趨向大抵近正。錄其書呈左右。朱紫陽行實云。羅公清介絕俗。雖里人鮮克知之。見先生從遊。受業。或頗非笑先生。若不聞從之。累年受春秋中庸語孟之說。從容潛玩。有會於心。盡得其所傳之奧。羅公少然可。亟深許焉。○甚矣學道之不易也。羅先生

之學得之於龜山。傳伊洛之正。而當年習俗之謬。不知羅先生者多。及先生從之受學。猶相與非笑之。使非先生毅然見道。其不惑於世俗之見者幾希矣。故學貴乎立志。不同於流俗也。

先生於是退而屏居山田。結茅水竹之間。謝絕世故。誌云。於是不事科舉。

按先生生於簪纓之胄。以常情言之。祿利之溺人久矣。乃年甫逾冠而志於絕學。不復縈心世故。真非常人可及。

重和元年戊戌先生二十六歲。

宣和元年己亥先生二十七歲。

欽宗靖康元年丙午先生三十四歲。

高宗建炎元年丁未先生三十五歲。

紹興元年辛亥先生三十九歲。

二十三年癸酉先生六十一歲。朱文公來受業於先

生之門。文公云。先生經學純明。涵養精粹。延平人

士甚尊事之。請以爲郡學正。雖不復應舉。而溫謙

慤厚。人與之處。久而不見其涯。鬱然君子人也。先

此檢身
法

幾於動
容周旋
中禮

子與之遊數年。道誼之契甚篤。又曰。先生終日危坐。而神彩精明。畧無墮墮之氣。又曰。李延平初間。也是豪邁底人。到後來。也是琢磨之功。在鄉若不異於常人。鄉曲以上底。只道他止是善人。他畧不與人說。待問了。方與說。又曰。李先生少年夜醉。馳馬數里而歸。後來養成徐緩。雖行一二里路。常委蛇緩步。如從容室中。嘗隨至人家。才相見。便都看了壁上碑文。先生俟茶罷。起向壁立看了一壁碑。文移步向次壁看。看畢就坐。其所持專一詳緩如。

此初性甚急。後來養成至是也。

按先生陶鑄朱夫子。自有一段默識心融。兩人獨喻處。然卽朱夫子所記之語觀之。其有道之客。千載如見矣。

二十七年丁丑。先生六十五歲。子信甫及友直同登王十朋榜進士。

是年有六月二十六日。答朱夫子書。言涵養存養之事。

二十八年戊寅。先生六十六歲。朱夫子來見先生於

延平有七月十七日與朱夫子書春秋論語荅問
七條有冬至前二日與朱夫子書春秋論語荅問
十一條有十一月十三日與朱夫子書荅孟子放
心夜氣之說

二十九年己卯先生六十七歲

是年有六月二十二日長至後三日與朱夫子兩
書

三十年庚辰先生六十八歲朱夫子又見先生於延
平朱夫子曰先生居處有常不作費力事所居狹

可以養心

延平先生年譜

隘屋宇卑小。及子弟漸長。遂間接起。又接起廳屋。亦有小書室。然甚齊整。瀟灑安物。皆有常處。其制行不異於人。亦嘗爲任希純教授。延入學。作職事。居常無甚異同。類如也。真得龜山法門。是年有五月八日。與朱夫子書三則。七月後與朱夫子書八則。

三十一年辛巳。先生六十九歲。

是年有上元日。與朱夫子書。二月二十四日。與朱夫子書。答問五條。五月二十六日。與朱夫子書。答

問二條。中元後一日書。八月七日書。荅問五條。十月十日書。共三則。

三十二年壬午。先生七十歲。春。朱夫子迎謁先生於建安。遂與俱歸延平。

有四月二十二日。六月十一日。七月二十一日。八月九日。十月朔日。與朱夫子書。共十一則。是年孝宗卽位。文公以封事質正於先生。先生荅曰。今日所以不振。立志不定。事功不成者。正坐此以和議爲名爾。書中論之甚善。見前此赦文中有和議處。

一條。又有事迫許便宜從事之語。蓋皆持兩端。使人心疑也。要之。斷然不可。和自振頓綱紀以大義。斷之以示天下。向背立爲國。是可爾。此處更可引此。又許便宜從事處。更下數語以曉之。如何。某不能文。不能下筆也。封事中有少疑慮。已用紙貼出矣。更詳之。明道語云。治道在於修己。責任求賢。封事中此意皆有之矣。甚善甚善。吾儕雖在山野。憂世之心。但無所伸爾。亦可早發去爲佳。

按先生卽不問世故。而紫陽師之。其荅問理義精

微處。紫陽所編。自言言拱壁。而茲與癸未荅文公
應召之言。皆當世大務。似非儒者所及。乃文公詢
之先生荅之。其忠義之意。見於文字之中。無非血
忱。知先生之學。該內外兼體用也。

孝宗隆興元年癸未。先生七十一歲。以二子更請迎
養。自建安如鉛山。訪外家兄弟於昭武。

是年有五月二十三日。六月十四日。七月十三日。
與朱夫子書。時文公將趨召。問所宣言者於先生。
先生荅以三綱不振。義利不分。王安石用事以來。

人只趨利而不顧義。故主勢孤。有七月十七日書。
朱子首用其說以對。

按王安石之執拗。今日人人知之矣。當日先生言之。則正學術。定國是之大義也。

是年十月十五日。先生卒於福州。

按誌先生遊武夷而歸。福唐守敷文閣學士汪應辰以書禮來迎。求質所疑。十月公應聘至福唐。方三日。疾作。卒於府治之館舍。其孫護喪以歸。門人朱紫陽爲狀。福守汪應辰爲誌。至理宗淳祐六年。

提刑楊棟爲請諡於朝。七年。賜諡文靖。去先生歿時。二十有五年矣。

元至正二十二年八月。以江浙行省申據胡瑜牒。請咨中書省。奉准禮部定擬爵號。贈太師。追封越國公。

明萬曆四十二年甲寅。從閩學臣熊尙文之請。從祀。

文廟

大清康熙四十五年丙戌。允學臣沈涵疏。

賜御書祠額曰靜中氣象

延平先生年譜終

延平先生年譜終

延平先生年譜終

延平先生年譜終

延平先生年譜終

文公朱紫陽先生年譜引

稱夫子者必曰鄴人曰宋人非
善言大聖者也夫子固天下之
人也稱文公者必曰閩人曰歙
人非善言大賢者也文公固天
下之人也然謂仲尼不生於昌

平可乎謂考亭不生於尤溪可
乎麟紱玉書駒騰紫氣天固鍾
奇地亦獻寶予以爲非偶然者
誠非偶然也孟子云游於聖人
之門者難爲言以吾儒而景仰
文公亦何所容其讚誦之詞乎

因文而見道則先生全集不可
刪也考亭淵源不可畧也而以
年譜窺先生亦曰先生之早達
也如彼先生宦政也如彼先生
之受道於延平若不自知其成
名也者先生之通籍五十年仕


宦止九考立朝止四十日則不
知世間何物足繫人之胸次者
今人盡習先生之言而不能於
先生知人論世可乎故先梓先
生之年譜於延平謂之閩南之
私可也謂之天下之公可也間

較舊本增損一二言以便展卷
了然要之酌水於河亦隨人之
腹爲量爾若欲求其所以言先
生者先生固難爲言也念恃又
何敢言之易易也

晉陵後學毛念恃勅五

年譜引三

氏謹題



主者或主國錄或主金部又
賦或為爾等錄求其利以言表
了要之領水發何亦記入之
傳書本曾賦一二言以用為考

紫陽朱先生年譜

宋高宗建炎四年庚戌九月十三日先生生於劍州尤溪之鄭氏館。傳言婺源故宅井中有紫氣見。紹興元年辛亥。

三年癸丑先生四歲方能言。父韋齋指天示之曰天也。問曰天之上何物。

四年甲寅先生五歲始入小學。

七年丁巳先生八歲通孝經書其上。曰若不如此便不成人。間從羣兒嬉遊。獨以沙列八卦端坐默視。

九年己未先生十歲。自知力學。聞長者言。輒不怠讀。
孟子至聖人。與我同類者。喜甚。以爲聖人亦易做。
十年庚申。先生十一歲。受學於家庭。時父韋齋爲
吏部郎。以不附和議。出知饒州。請祠居家。

十三年癸亥。先生十四歲。韋齋公卒於建州之水南。
初稟學於胡籍溪。劉草堂。劉屏山。三君子之門。

少傅劉子羽築室於其里第之旁。先生遂奉母入
遷而居焉。白水劉公因議以其女妻之。屏山命先
生字元晦。祝之曰。木晦於根。春容。曄敷。人晦於身。

神明內腴。

十四年甲子先生十五歲。葬韋齋公於崇安縣西塔山。

十七年丁卯。先生十八歲。秋舉建州鄉貢。

十八年戊辰。先生十九歲。春登王佐榜進士。

二十年庚午。先生二十一歲。春如婺源展墓。

二十一年辛未。先生二十二歲。春銓試中等。授左迪

功郎。泉州同安縣主簿。

二十三年癸酉。先生二十四歲。夏始受學於延平李

學者當
思是時
朱子已
成進士
六年矣

先生之門。七月。之同安任。是月。長子塾生。

二十四年甲戌。先生二十五歲。仲子塾生。

二十五年乙亥。先生二十六歲。於同安建經史閣。立故相蘓公頌祠於學宮。

二十六年丙子。先生二十七歲。七月秩滿。冬奉檄走旁郡。

二十七年丁丑。先生二十八歲。春返同安候代。不至。罷歸。

二十八年戊寅。先生二十九歲。以養親請祠。十二月。差監潭州南嶽廟。

二十九年己卯。先生三十歲。八月。召赴行在。辭。

三十年庚辰。先生三十一歲。冬。再見李先生於延平。退居舍旁西林院。閱月而後去。

三十二年壬午。先生三十三歲。春。迎謁李先生於建安。遂與俱歸。八月。應詔上封事。是月復予祠。

孝宗隆興元年癸未。先生三十四歲。三月。再召。辭。有旨趣行。十月。至行在。辛巳。入對垂拱殿。十一月戊

辰。除武學博士。拜命。遂歸。

是歲論語要義。論語訓蒙。口義成。

二年甲申。先生三十五歲。正月之延平。哭李先生。會葬。又過延平。

是歲困學。恐聞成。

乾道元年乙酉。先生三十六歲。四月。請祠。五月。復差監南嶽廟。

三年丁亥。先生三十八歲。八月。訪南軒張公。敬夫于潭州。十二月。至自長沙。除樞密院編修。

四年戊子。先生三十九歲。崇安饑。貸粟於府以賑之。
七月大水。奉府檄行視水災。省劄屢趣就職。固辭。
是歲程氏遺書成。

五年己丑。先生四十歲。正月子在生。九月。丁母孺。
人祝氏憂。

六年庚寅。先生四十一歲。正月葬祝孺人。家禮成。

七月。遷韋齋公墓。

十二月。召赴行在。以喪制未

終辭。

七年辛卯。先生四十二歲。創立社倉於所居之里。

八年壬辰。先生四十三歲。有旨疾速起發。再辭。

是歲論孟精義成。資治通鑑綱目成。西銘解義成。
八朝名臣言行錄成。

九年癸巳。先生四十四歲。三月。省劄再趣行。又辭。就
乞差監獄廟。五月。特旨准與改秩。官觀辭。
是歲。太極圖傳通書解成。程氏外書成。

淳熙元年甲午。先生四十五歲。始拜改秩之命。

三年乙未。先生四十六歲。五月。東萊呂公來訪。講學
於寒泉精舍。編次近思錄成。東萊呂先生送至信

州。梭山陸公子壽。象山陸公子靜。來會於鵞湖寺。七月。成晦。菴於蘆峰之雲谷。

三年丙申。先生四十七歲。二月如婺源。六月還。是月。除秘書省秘書郎。辭。逾二月。再辭。許之。遂子祠。

十一月。令人劉氏卒。

四年丁酉。先生四十八歲。六月。論語集註或問成。

十月。周易本義詩傳成。

五年戊戌。先生四十九歲。八月。差知南康軍。辭不允。仍令疾速之任。

六年己亥。先生五十歲。正月再請祠不報。候命於鉛山。三月省劄再趣行。是月晦赴任。到郡下教三條。立濂溪周子。河南二程子。三先生祠。及陶靖節。劉西澗父子。李公擇。陳了齋五賢堂。六月奉乞蠲減星子縣稅錢。十月重建白鹿洞書院。

七年庚子。先生五十一歲。正月請祠不報。二月南軒張公訃至。罷宴哭之。三月復請祠不允。四月申減屬縣科紐木炭錢。歲二千緡。大修荒政。作卧龍菴。祠諸葛武侯。

是年應詔上封事。

八年辛丑。先生五十二歲。正月。開塲濟糶。二月。象山陸公來訪。三月。差提舉江西常平茶鹽。待次。奏本七事。其四。允請白鹿洞賜勅額。及監本九經。閏三月。去郡東歸。七月。除直秘書閣。辭不允。八月。差提舉浙東常平茶鹽。復辭職名。且乞奏事之任。尋受職入對。十一月。奏事。延和殿。十二月。視事於西興。九年壬寅。先生五十三歲。正月。條奏救荒事宜。有詔捕蝗。復上疏言事。詔行社倉於諸郡。毀秦檜祠。條

奏諸州利病。劾奏前知台州唐仲友不法。八月。除直徽猷閣。辭。差江西提點刑獄。辭。詔與江東提刑梁總。兩易其任。再辭。十一月。始受職名。仍力辭新任。請祠。

十年癸卯。先生五十四歲。正月。差主管台州崇道觀。四月。武夷精舍成。

十一年甲辰。先生五十五歲。辨浙學之非。

十二年乙巳。先生五十六歲。崇道秩滿。復請祠。差主

管華州雲臺觀。

十三年丙午。先生五十七歲。三月易學啓蒙成。

八月孝經刊誤成。

十四年丁未。先生五十八歲。如蒲。弔陳福公。

三月小學書成。差主管南京鴻慶宮。七月差江西提點刑獄。辭。

十五年戊申。先生五十九歲。正月奏事之任。復以疾再辭。不允。且趣入對。六月奏事延和殿。除兵部郎官。以足疾請祠。詔依舊職名提刑江西。七月除直寶文閣主管西京崇福宮。九月復召辭。十二月趣

入對再辭。遂上封事。除主管西太一宮兼崇政殿說書。辭始出太極通書西銘解義以授學者。

十六年己酉先生六十歲。正月除秘閣修撰。辭。四月

再辭職名。許之。仍舊直寶文閣。降詔獎諭。閏五月

更化覃恩。轉朝散郎。賜緋魚。八月除江東轉運副

使。又辭。十一月改知漳州。再辭不允。始拜命。

是年序大學中庸章句。

光宗紹熙元年庚戌先生六十一歲。四月到部。首頒

禮教。奏除屬邑上供罷科祭錢。及蠲減本州無額

經總制錢凡萬餘緡。奏行經界法。十月。以地震及足疾。不能赴錫宴。自劾。仍請祠。不允。刻五經四書於郡。

二年辛亥。先生六十二歲。春。與永嘉陳君舉論學踰月。與趙帥書。論招州軍募江戍。三月。聞長子塾之喪。乞祠治喪。復除秘閣修撰。主管南京鴻慶宮。任便居住。四月。去郡。再辭職名。五月。歸次建陽。寓同由橋。七月。再辭職名。不允。九月。除湖南轉運副使。辭。十二月。仍以漳州經界不行。自劾。

三年壬子。先生六十三歲。二月。復請補祠職。從之。
始築室於建陽之考亭。永嘉陳同甫來訪。十二
月。除知靜江府廣南西路經畧安撫。辭。

四年癸丑。先生六十四歲。正月。再辭。十二月。差
知潭州湖南安撫。辭。不允。

五年甲寅。先生六十五歲。正月。再辭。詔疾速之任。
五月。至鎮洞獠侵擾郡境。遣使諭降之。改建嶽麓
書院。奏請飛虎軍隸本路節制。從之。六月。申乞
歸田。不許。七月。寧宗卽位。召赴行在。奏事。辭。考

正釋奠禮儀行於郡立忠節廟

八月除煥章閣

待制兼侍講再辭不允仍趣令疾速供職 九月

晦日至自長沙次關外 十月戊子朔乞且帶舊

職奏事次日入國門辛卯奏事行官便殿辭新除

職名不允上孝宗山陵議狀辛丑受詔進講太學

差兼實錄院同修撰更化覃恩授朝散郎賜紫金

魚袋乙巳晚講乞今後省看詳封事奏乞三年內

賀禮並免庚戌講筵留身奏四事閏月戊子朔晚

講已未編次講章以進請修嫡孫承重之服上廟

祧議甲子在告乙丑直日准告封婺源縣開國男
食邑三百戶戊辰入史院丙戌詔除寶文閣待制
知江陵府湖北安撫使十一月還考亭復辭前
命乞追還新舊職名十二月詔依舊煥章閣待
制提舉南京鴻慶宮是歲建竹林精舍成

寧宗慶元元年乙卯先生六十六歲正月辭舊職

名三月又辭不允吏部取會磨勘至是轉朝奉

大夫五月復辭職名再乞致仕不允十二月

以屢辭職名詔依舊充秘閣修撰宮祠如故

是歲楚詞集註成。

二年丙辰。先生六十七歲。二月申省乞改正恩數。

十二月禡職罷祠。

是歲始修禮書。

三年丁巳。先生六十八歲。別蔡元定於寒泉精舍。

是歲韓文考異成。

四年戊午。先生六十九歲。作書傳二典禹謨金縢召

誥洛誥武成篇。十二月引年乞休。

五年己未。先生七十歲。四月旨令守朝奉大夫致

仕。始用野服見客。

五年庚申。先生七十一歲。三月辛酉。改大學誠意

章甲子。卒於精舍正寢。

有遺子在書。與黃幹范念德書。是日大風拔木。洪流崩岸。

冬十一月壬申。葬先生於建陽縣唐石里之大林谷。嘉泰二年壬戌。韓侂胄死。追復煥章閣待制。

嘉定二年己巳。賜諡曰文。特贈寶謨閣直學士。


理宗寶慶三年丁亥。贈太師。追封信國公。改封徽國。

公

念恃

按輟耕錄有云。文廟配享。原只有顏孟二位。熙豐間。以王安石位配顏子。下繼則易顏孟居左。而王獨居右。繼又欲顏右而王左之。繼又欲易去宣聖而專祀安石。蓋安石之壻蔡卞主爲此議也。後以優人扮戲譏公治長而止。文公建竹林精舍時。添曾思二位於顏孟之中。後遂遵設四配。蓋定自考亭也。今按文廟大典。肇於精舍之創始。則先生之道。百世以俟聖人而不惑矣。蓋自有先生而

吾道始一。吾夫子始尊。回思熙豐時。小人狂惑喪心。敢非聖無法如此。則今日聖道如中天。豈非幸有先生哉。



EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5